

ment gardez i'enleuaste avec une Ste hardiesse au Sauuage que ie trouverois yure, quelques petis meubles de sa Cabane, afin que cequ'on prendroit Seruist de payement aux Archers qui uiendroient pour mettre en prison ce Sauuage yure, ce qui s'appelle icy depuis deux mois, le Saint pillage, c'est à dire comme ie leur fis entendre un pillage qui se fait pour obeir à dieu et pour l'establissement de la priere. la dessus ie deploray mon malheur de meuoir obligé à une chose qui paroistroit peutestre rude à quelques uns qu'ils uoyoit bien comme ie les aimois tous, et les peines que ie prenois pour eux; mais qu'aureste ie me ferois uiolence la dessus que ie garderois ascurement les ordres du grand Capitaine, que ie n'aurois egard à personne quand ce seroit mesme les Capitaines et les Dogiques qui S'enyuroient par malheur. cete exhortation fut suiuite de prieres publiques dans l'Eglise pour tous ceux qui s'estoient ennyurez iusqu'apresent, afin d'obtenir pour eux une ueritable douleur de ce peché, et une ferme resolution de ne le plus commettre. Trois iours apres cete, iere exhortation un Sauuage reuint yure de Quebec, i'entendis sa uoix, i'allay dans sa Cabane, et ie le pillay saintement, comme i'auois asseuré que ie ferois d'abord que quelqun retourneroit yure. ie me contentay de dire à ce Sauuage, laisse moy prendre cela, ie te parleray quand tu Seras sage. la Sœur de ce Sauuage qui est une fort bonne Xienne, et qui estoit dans la derniere tristesse de uoir son frere yure, luy dit: pourquoy t'estonne tu que nostre Pere prenne cela dans ta Cabane? ne Scais-tu pas qu'il nous à déclàré à tous qu'il pilleroit saintement ceux qui S'ennyureroient? ce sont